



5. oktober 2011

Inatsisartut suleriaasianni § 37 naapertorlugu matumuuna apeqquq saqqummiutissavara:

**Alumiiniumik siunertaq aammalu ILOP aalajangersagaa nr. 94 pillugu Naalackersuisunut apeqquq.**

(Inatsisartunut ilaasortaq, Akitsinnguaq Olsen, Siumut)

**Tunnqavilersuut:**

Naluneqanngitsutut Alcoa alumiiniumik siunertami sanaartornermut suliassat kiniiserit sulisartut kiniiserinut akissaatit atorlugit ingerlatsiniarluni soqutiginnippoq. Naalackersuisut § 37 naapertorlugu apeqquqtaammut akissutiminni ilisimatitsipput taamaattoqassappat nalunaquttap akunneranut akissarsiat 7-10 dollarit akornanni annertussuseqassasoq. Naalackersuisut akissuteqaatiminni aamma ilisimatitsipput kalaallit akissaataat naapertorlugit akiliuteqartoqartassanngippat sanaartornermi aningaasartuutit 1,7 milliardinik kr.-inik akikinnerussasut.

Sanaartornermut suliassat pingaarnermik erngup nukinganik nukiliorfik aammalu alumiiniumik aatsitsivik sanaartorneqassapput. Kiap sanaartukkat taakku pigissaneraat (suliarissaneraallu) suli aalajangiunneqanngilaq. Namminersorlutik Oqartussat piginneqatigeriaatsit pingasut eqqarsaatersuutigaa:

- nalinginnaasumik aaqqiissuteqarneq, Alcoa aatsitsivimmut piginnittuussasoq aammalu Namminersorlutik Oqartussat erngup nukinganik nukiliorfinnik piginnittuussasoq
- piginneqatigiilluni aaqqiissuteqarneq, Alcoa aamma Namminersorlutik Oqartussat aatsitsivimmut erngullu nukinganik nukiliorfinnik peqatigiillutik
- akuersissummik piginnittuneq, Alcoa aatsitsivimmut erngullu nukinganik nukiliorfinnut piginnittuutillugu

Apeqqutaavorli Namminersorlutik Oqartussat erngup nukinganik nukiliorfinnut piginnittut (nalinginnaasumik aaqqiissuteqartoqassappat) imaluunniit erngup nukinganik nukiliorfinnut aammalu aatsitsivimmut piginneqataasut (piginneqatigiilluni aaqqiissuteqartoqassappat) sanaartornermut isumaqatigiissuteqartoqarsinnaanersoq nunatsinni isumaqatigiissutit aqutugalugit akissaatiniit appasinnerusumik.

Pisortat isumaqatigiissuteqarfigisimasaanni sulinermut piumasaqaatit pillugit ILO-p aalajangersagaa nr. 94 tassani eqqarsartitsivoq.

Naluneqanngitsutut ILO FN-ip ataani immikkut kattuffittut ingerlavoq, isumaginninnikkut ineriartortitsineq aammalu suliffeqarnermi pitsaaneruseqatit atugassaqaatitsisoqalernissaa siunertaalluni. ILO katillugit 185-inik aalajangersagaqarpoq. Aalajangersakkat taakku nunanut



## **SIUMUP INATSISARTUNI ILAASORTAATITAI**

atsioqataasimasunut pituttuipput. Danmark aalajangersakkanik 69-inik atuutsitsilernikuuvoq, taakkulu ilai nunatsinnut atortussaatinneqannginnissaanik piumasaaqatitaqanngillat, aammalu taamaasilluni Namminersorlutik Oqartussaniit malinneqartariaqarlutik.

Pisortat isumaqatigiissuteqarfigisimasaanni sulinermut piumasaaqatit pillugit ILO-p aalajangersagaa nr. 94 aalajangersakkanik imaqarpoq pisortat oqartussaasuisai ilaatigut sanaartornermi isumaqatigiissuteqartoqarnerani, sumiiffimmi suliat ingerlanneqarfissaanni suliani assingusuni, sulisartut sulinermi atugarisaat (akissaatit ilanngullugit) allaniit – soorlu assersuutigalugu isumaqatigiissutiniit – atuuttuniit ajornerussanngitsut.

Aalajangersagaq Danmarkimiit 1955-imi atsiorneqarpoq.

Tamanna aallaavigalugu Naalakkersuisut apeqqutit uku akineqarnissaat qinnuigaakka:

- 1) Pisortat isumaqatigiissuteqarfigisimasaanni sulinermut piumasaaqatit pillugit ILO-p aalajangersagaa nr. 94 nunatsinnut atuutsinneqassannginneranik piumasaaqatitaqarpa, imaluunniit aalajangersagaq Namminersorlutik Oqartussanut pituttuiva?**

Aalajangersagaq Namminersorlutik Oqartussanut pituttuippat taava Naalakkersuisut apeqqutip uuma akinissaanik piumaffigissavakka:

- 2) ILO-p aalajangersagaa nr. 94 malillugu sanaartornermi suliassat, alumiiniumik aatsitsiviliorqarnissaanut siunertami pisortat sanaartortitsisutut (imaluunniit piginneqataalluni pisortat akuuffigisaanni) ingerlatsisinnaanngillat nunatsinni akissaatit atuuttut sulisartunut atorineqartunut atuutsinnagit?**